

**Kangiani, Kalaallit Nunaatalu sineriaani meeqqat ikiorneqarnissaat tunngavigalugu
Naalakkersuisut Danskít Naalagaaffiannut ikioqqullutik saaffiginnissuteqassasut
Naalakkersuisut peqquneqarnissaannik Inatsisartut aalajangiiffigisassaattut
siunnersuut**

*(Inatsisartunut ilaasortanit, Partii Naleqqamit, Demokraatinit, Atassummit,
Suleqatigiissitsisunit aamma Inuit Ataqtatigiinnit saqqummiunneqartoq)*

pillugu

Ilaqtariinnermut Peqqissutsimullu Ataatsimiititaliap

siunnersuutip aappassaaneerpeqarneranut

ILASSUTITUT ISUMALIUTISSIISUTAA

Ataatsimiititaliap suliarinninnermini kingullermik makku ilaasortarai:

Inatsisartunut ilaasortaq Laura Táunâjik, Siumut, siulittaasoq
Inatsisartunut ilaasortaq Stine Egede, Inuit Ataqtatigiit, siulittaasup tullia
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Nivi Olsen, Demokraatit
Inatsisartunut ilaasortaq Malene Vahl Rasmussen, Demokraatit
Inatsisartunut ilaasortaq Mikivsuk Thomassen, Inuit Ataqtatigiit
Inatsisartunut ilaasortaq Aqqa Samuelsen, Inuit Ataqtatigiit

UPA 2019-imi ulloq 27. maj 2019 siullermeerinerup kingorna ataatsimiititaliap sukumiisumik misissorpaa.

Siunnersuutip Inatsisartunit aappassaaneerpeqarnera

Kalaallit Nunaanni meeqqat ikiorserneqarnissaasa qulakkeerneqarnissaa pillugu Naalakkersuisut danskít naalagaaffiannut ikioqqullutik saaffiginnissasut siunnersuuteqartut kisaatigaat. Siunnersuuteqartut meeqqat Tasiilamiittut immikkut eqqaavaat, taasissutigisassamili allassimavoq Kalaallit Nunaanni meeqqat ikiorneqarnissamik pisariaqartitsisut tamarmik pineqartut. Siunnersuummut tunngavilersuutitut erseqqissaatigineqarpoq, Danskít Naalakkersuisuinik suleqateqarnissaq pineqartoq.

Inatsisartuni siunnersuutip siullermeerpeqarnera

Inatsisartuni siunnersuummik siullermeerineq tassungalu atatillugu oqaaseqartartut saqqummiussaas tunngavigalugit siunnersuut tapersersorneqartoq oqaatigineqassaaq.

Tamanna tunngavigalugu aammalu Inatsisartunit tapersersorluarneqarnera tunngavigalugu siullermeerinerup kingorna siunnersuut Ilaqutariinnermut Peqqissutsimullu Ataatsimiititaliamut suliarineqartussanngorlugu innersuunneqarpoq.

Ataatsimiititaliap siunnersuummik suliarinninnera.

Siunnersuut pillugu naalakkersuinikkut tunngaviummik isumaqatigiittoqarmat kiisalu Inatsisartut inatsisiliortuummata atuutsitsisuunatillu siunnersuummut tunngatillugu ataatsimiititaliamit isumaqatigineqarpoq.

Siunnersuummik suliaqarnerup ingerlateqqinneqarnerani meeqqanut inuusuttunullu tunngatillugu piviusut uppersarneqarsinnaasullu aallaavigalugit aammalu ikiorsiinissamik anniaatinillu annikillisaanissamik pisariaqartumik Naalakkersuisut ammasumik sulinerat ingerlanneqassaaq.

Taamatutaaq ikiorneqarnissamik pisariaqartitsineq ikiorserneqarnissamik anniaatinillu annikillisaanissamik pisariaqartitsinertut ataatsimiititaliamit paasineqarpoq.

Meeqqanut tapersersuisarneq pillugu Inatsisartut inatsisaat nr. 20, 26. juni 2017-imeersumi kiisalu Meeqqat Pisinnaatitaaffiit pillugit Kalaallit Nunaata nangaassuteqarani atuutilersissimasaani Naalagaaffiit Peqatigiit Isumaqatigiissutaani periarfissat aallaaviusariaqartut ilanngullugu ataatsimiititaliamit isumaqarfigineqarpoq.

Pisariaqartitsineq naapertorlugu toqqaannartumik meeqqat ikiorserneqarnissaat pillugu qulakkeerisoqartariaqarpoq, peqatigisaanilli meeqqat ikiorserneqarnissamik tapersersorneqarnissamillu pisariaqartitsinerannut pissutaasunut tunuliaqutaasut ilanngullugit eqqumaffigineqassapput, taamaaliornikkut meeqqat kanngutsaatsuliorfigineqartarnerannut sumiginnagaasarnerannullu pissutaasut taamaalillunilu ikiortariaqalersimasunut tapersersortariaqalersimasunullu pissutaasut paasiniaqqaarnagit takussutissartallit kisiisa katsorsarnagit ikiorsiisoqarnissaa qulakkeerneqartariaqarpoq.

Suliat suliniutillu ingerlateqqinneqarneranni piffissaq qaninnerusoq ungasinnerusorlu eqqarsaatigalugit eqqarsaatigineqartassasut ataatsimiititaliaq isumaqarpoq. Ikiorsiineq tapersersuinerlu Kalaallit Nunaanni kommunit Naalakkersuisullu naalagaaffimmilu oqartussat akornani nukittuummik inerititaqarfiumillu qitiusumik suleqatigiinnermik aallaaveqartariaqartoq ataatsimiititaliaq isumaqarpoq.

Sumiginnaaneq pissusissamisoortuunngilaq, tassungalu atatillugu meeqqanut kanngutsaatsuliorfiginnittarnernut sumiginnaasarnernullu pissutaasut ilanngullugit sammineqartariaqarput, taamaaliornikkut pissutaasartut tunuliaqutaat akiorniarlugit toqqaannartumik suliniuteqartoqarnissaa aallartinneqarsinnaaqqullugu.

Ikiorisineq inuiaqatigiinnut ilaqutariinnullu pisariaqartitsisunut toqqaannartumik sammitinneqarsinnaavoq, kisianni aamma Kalaallit Nunaanni oqartussanut sammitinneqarsinnaalluni, taamaaliornikkut namminneq piginnaasatik nukissatillu annertusarsinnaaniassammatigit aammalu nammineq nukiit piginnaasallu, oqaatsitigit kulturikkullu pillugit periarfissiisoqarsinnaaqqullugu.

Danskit aningaasaliissuteqarnissamik isumaqatigiissutaannit satspuljeaftale på Social- og Indenrigsområdet 2017-2020-mit piffissamut 2017-2020-mut katillugit 10 mio. kr.-t Kalaallit Nunaanni meeqqat inuusuttullu aarlerinartorsiortut pillugit Namminersorlutik Oqartussat suliniutaannut atugassat immikkoortinneqarsimapput. Pineqartumi suleqatigiittoqareenera siunnersuummi matumani pissusissamisoortumik pingaartinneqassaaq.

Ikiorisineq tapersersuinerlu qitiusumi, nunap immikkoortuini illoqarfinnilu sorlaninnissaata qulakkeerneqarnissaata saniatigit aalajangersimasumik siunnerfilimmillu ikiorisarnissap tapersersuinissallu saniatigit immikkoortut akimorlugit tamakkiisumik isiginnilluni eqqarsartoqartariaqarpoq.

Ilinniakkatigit piginnaasat kissalaarnermillu tunniussisinnaanerup saniatigit immikkut ittunik inissianik, suliniutinik, meeqqanik inuusuttunillu sullissisut assigiinngitsut, qitiusumik sullissiviit, qanigisanut sumiiffinnilu suliassanik isumaginnissinnaasut kiisalu piffinni imaluunniit nunap immikkoortuini pisariaqartitanik naammassinnissinnaasut eqqumaffigineqarnissaat ilanngullugu sulissutigineqartariqarpoq.

Ikiorisinnissaq pineqartoq pineqartumut ikiorisinermi imminut ikiorsernissamut ikiorisnertut isigineqassasoq, ima paasillugu Kalaallit Nunaanni oqartussat ikiorisinnissaannut tapersersuinissaannullu tunuliaqutaasoq pingaarnertut innuttaasunut attaveqarnermik kinguneqassasoq ataatsimiititaliaq isumaqarpoq.

Aallarniutigalugu oqaatigineqartut Meeqqat Pisinnaatitaaffii pillugit Naalagaaffiit Peqatigiit Isumaqatigiissutaannut Kalaallit Nunaat pisussaaffeqarpoq. Isumaqatigiissummut pineqartumut tunngatillugu Kalaallit Nunaata pisussaaffiisa atortuulersinneqarnissaannut pilersaarummut siunnersuut manna ataatsimut qulakkeerinnettut ataatsimititaliamit isumaqarfigineqarpoq.

Siunnersuummik piviusunnngortitsinissamik suliaqarnejq ilimagisatut akuersereernerup kinguninngua aallartinneqassasoq ataatsimiititaliamit kaammattuutigineqassaaq.

Siunnersuummik matuminnga ataqatigiissarineq, malitseqartitsineq aamma piviusunnngortitsineq immikkut annertussusilimmik naatsorsuutigineqanngitsumik immikkut aningaasartuuteqarfigineqarnissaanik kinguneqarsinnaavoq, taamaattumik ataatsimiititaliat Inatsisartullu siumut isigisumik tamatumunnga soqutiginnittariaqarput, soorlu siunnersuummik tapersersuinikkut aamma tamatumunnga allaffissornikkut aningaasatigullu kingunerisassat eqqarsaatigalugit.

Aningaasaqarnermut Akileraartarnermullu Ataatsimiititaliap ilanngutsinneqarnera

Siunnersuummut tunngatillugu Aningaasaqarnermut Akileraartarnermullu Ataatsimiititaliamik suleqateqarnissamik Ilaqutarinnermut Peqqissutsimullu Ataatsimiititaliaq qinnuigineqarpoq. Tamatuma malitsigisaanik ulloq 31. maj 2019-imi Aningaasaqarnermut Akileraartarnermullu Ataatsimiititaliamik ataatsimiititaliaq sivikitsumik ataatsimeeqateqarpoq.


Ataatsimiititaliat suliap ingerlateqqinnerani siuariaatit killiffiillu pillugit Naalakkersuisut ilisimatinneqartarnissaat ataatsimiititaliat isumaqatigiissutigaat, taamaaliornikkut ataatsimiititaliat taakku pisariaqartitsineq naapertorlugu tamakkiisumik tunngaveqarlutik pitsaasumik aalajangiisarsinnaaqqullugit.


Ataatsimiititaliap inassuteqaatai

Siunnersuutip ilusimisut isikkoqartup akuerineqarnissaa ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu oqaatigineqartunut paasinnilluni siunnersuut ataatsimiititaliap aappassaaniigassanngortippaa.


Stine Egede
Siulittaasup tullia


Laura Táunâjik
Siulittaasoq



Karl-Kristian Kruse

31. maj 2019


UPA 2019/229



Nivi Olsen



Mikivsuk Thomassen


for

Malene Vahl Rasmussen



Aqqa Samuelsen